

KIA DAUDA



The history of King David in Illo Busa,
as recorded in the books of the prophets:
1 Samuel 16 – 20 and 2 Samuel 1 - 12.

Sama'ila takada kaaku

Sama'ila nisikana Dauda miwa

Deke ò Sama'ilane: Ndakū ɔɔɔ Saulu yā musu ee bɔɛzĩ ni? Ma gi à kpatabe Isila'ilanɔwa. Nisi ka bēna pai, ndí da zeũ. Ma n zĩ Baitalami gbē Yese kĩa, zaapɔ a né do an ma sè à gɔ kia ũ. Akū Sama'ila ò: Laba maa ke mà ge gūi? Tó Saulu mà, àa ma de. Akū Deke òne: Zuda nɔkɔna se ò gɛdo, ndí o n mɔ sa'odima. Yese sisi sa pì onaũ, mí yā pɔ nda ke onne, ndí nisi kamea gbē pɔ maa mɔnne miwa.

Sama'ila yā pɔ Deke òne kè. Pɔ ada ka Baitalami, bīi pì gbē zɔkɔnɔ gèe dadile. Vīa an kū, akū an a là à ò: Aafia n mɔ la ya? À ò: Aafiae. Ma mɔ sa'odi Dekewa. À gbāsībo á gīnane, í gemado sa'odi. Akū à gbāsībò Yese kū a nenɔgɔnanɔne, à an sisi sa'ou. Pɔ an kà, Sama'ila Eliabu è, akū à laasookè à ò: Gbē pɔ Deke sè mí zena a ɛe gū. Akū Deke òne: Su ò a zena kó a gbāá gwao, ma gidi. Midi gbē gwa lapɔ gbēnesīna dī gwabao. Gbēnesīna dī gbē gwa a mebaasiwae, maakū sɔ, sɔ an mi gwa. Akū Yese Abinadabu sisi, à mɔ Sama'ila ɛe, akū à ò: Deke di gbē di seo. Akū Yese Sāma sisi, à mɔ Sama'ila ɛe dɔ, akū à ò: Deke di gbē di seo. Akū Yese a nenɔgɔn gbēn soopianɔ sisi, an mɔ Sama'ila ɛe, akū à ò: Deke di an gbēke seo. Akū à Yese là à ò: N ausunɔ len la ya? À wène à ò: An zādi mí ba ku lao, ada sã dā. Akū Sama'ila òne: Gbē zī à à sisi. Wāa sa'oo se to à mɔ. Akū à gbē zīwa, à mɔ. Né pì gbē tēae, a wé maa mí a ɔũ maa. Akū Deke ò: Fete ò nisi ka

a miwa, zaapɔ akūn nu. Akū Sama'ila bēna pì sè à nisi kàwa a vīinanɔ wewa. Zaa zībeezi akū Deke Nina dì Daudane. Bee kpe Sama'ila sùka à tà Lama.

Dauda zīkena Saulune

Deke Nina gò Sauluwa, akū Deke tò tãa pāsī dìne. A ibaano òne: Lua tò tãa pāsī dìnne. Lapɔ makae Baa, tó waakūnɔ n ibaano gbē pɔ mɔɔna dō wete. Tó Lua tò tãa pāsī pì dèdemma, idi mɔɔna lenne, ndí le ò ke sãa. Akū à ò a ibaanone. À gbē pɔ mɔɔna dō maamaa wete à mɔdomea. Akū a ibaa ke òne: Ma Baitalami gbē Yesē ne ke è, a mɔɔna dō. Nɔgɔn zīkanae, mí a yã'o dō. Nɔgɔn maae, mí Deke kudo. Akū Saulu gbēnɔ zī Yesēwa, an òne: Saulu ò ò n né Dauda pɔ ò sãnɔ dā gbēakūwa.

Akū Yesē bulodi dì faagane kū inabi'ido tuu do kū bene sà bɔtɔdo, à a né Dauda gbèedo Sauluwa. Pɔ à kà Saulu kīa, à gɔ̃ a zɔbenna ũ. Saulu yidi maamaa, akū à a dì a zīkabɔkūnna ũ. Akū Saulu gbē zī Yesēwa à ò: To Dauda gɔ̃ ma zīkenna ũ, zaapɔ a yã dì kamaū. Tó Lua tò tãa pì dède Sauluwa, akū Dauda dì a mɔɔna se à lene. Tó tãa pì tà, akū ò ke sãa, ò su a laakaiwa.

Dauda kū Goliatido

Filisitininɔ an zīkannanɔ kàkaa, andá zī sooke Soko, Yahuda busuū, akū an bùa kàte Efedamimu, Soko kū Azekado zāngua. Saulu kū Isila'ilanɔ sō an kō kàkaa an bùa kàte Ela gusiteū, andá sooke an ge Filisitininɔwa zīu. Filisitininɔ ku sīsīwa le, Isila'ilanɔ ku sīsīwa la, gusite ku an zāngua. Akū Gata nɔgɔna pɔ wì o Goliati bò Filisitininɔ bùaū. A gbãá kà òlena soodo. A

mɔtɛ̃a fùa kpana, mí a mɔtɛ̃a uta dana, a gbia kilo baakɔ̃. A mɔtɛ̃a sokodo yina dɔ, mí à mɔtɛ̃a sɔke le pelele lokona a kpe. A sɔke le sɔtɛ̃ kùna, a pá de landɔ̃ bazatãn bazaliba. Sɔko pì wé gbia kilo soopiaɛ. A dākɔpabɔkùna be a ɛɛ.

Goliati zena, akū à lezù Isila'ila zīgɔ̃nɔdi à ò: Bɔyãdi a bute kù zìdoi? Ába dɔ Filisitinin ma ũo ya? Aakūnɔ sɔ̃, Saulu zɔnɔ. À gbɛ̃ke wete á guaũ à pita à mɔ ma kĩa. Tó àa fɔ̃ à zīkamado, tó à ma de, ma gbɛ̃nɔ da gɔ̃ á zɔnɔ ũ. Tó maakū ma a dè sɔ̃, áa gɔ̃ wá zɔnɔ ũ, í zɔbewɛ̃a. Akū Filisitini pì sùka à ò: Mádá kuabii Isila'ila zīkannanɔwa gbãa. À gbɛ̃ wetemea wà zīka kù kɔ̃do. Pɔ Saulu kù Isila'ilanɔ piki an a yã pì mà, an bidike, an sɔ̃ kè.

Dauda ɛfalata gbɛ̃ Yese neɛ. Yese pì Baitalami pɔ ku Yahuda busuũ gbɛ̃ɛ. À nenɔgɔ̃nanɔ ì gbɛ̃n swaakɔ̃, mí Saulu gɔ̃ à mae zɔkɔ̃ kù, à zikù kotokoto. A né gbãa gbɛ̃n aakɔ̃nɔ ku zīkakĩa kù Sauludo. A nenɔgɔ̃n kaaku tɔn Eliabu, à piade tɔn Abinadabu, a aakɔ̃de tɔn Sãma. Dauda mí Yese né zãdi ũ. A vīna pinɔ te Sauludi, akū sɔ̃ ì ge Saulu kĩa, ì suka à su Baitalami a mae sãnɔ dãdi. Filisitini pì di bo à a gīna mɔnné kɔnkɔ kù ɔkɔsido ee gɔ̃ bapia.

Zíkezī Yese ò a né Daudane: Ese kpasana pɛ̃n do di kù bulodi men kwi dinɔdo se ò gɛdo kpaaka n vīnanɔne an bùaũ. Waagazi men kwi dinɔ se ò kpa an gãa gbɛ̃ zɔkɔ̃wa. Ge ò an gwa tó an aafia, ndí su kù an aafia seedudo. An ku kù Sauludo kù Isila'ilanɔ piki Ela gusiteũ, andá zīka kù Filisitininɔdo.

Dauda fête kɔnkɔ kaakukaaku, à a sãno tò kũ sãdãn kedo. À a asoo sè, akũ à dà zeũ lapɔ Yesè dìneba. Pɔ à kà zĩkannano bùaũ, à m̀ à lè andá ge zĩkakĩa, andá wiki gbãa lé. Isila'ilano kũ Filisitiniɔ dá sooke, an ɛɛ dɔna kɔwa. Akũ Dauda a asoo nà pɔno dãkpannane a ɔzĩ, akũ à basì à gèe zĩkakĩa. À a v̄inanɔ lè gũ, akũ à fɔɔkpàmmá. Pɔ ada yã'óndo, Filisitiniɔ nɔgɔna Goliati, Gata gbẽ b̀ Filisitini zĩkannano guaũ, à sùka à fête kũ a yã pido. Dauda yã pì mà. Pɔ Isila'ilano a è, an s̄ k̄ dɔ, an lè kɔwa an piki. Andá o k̄ne an ò: I nɔgɔna pì e à b̀o de? Tó à b̀o, ì kuabiiwáe. Gbẽ pɔ a dè, kia da adee gba aizekẽ z̄k̄, i a gba a nenɔgbẽ dɔ nɔ ù, mí a b̀denɔ da w̄'ɔgɔ kpa dɔo.

Akũ Dauda gbẽ pɔ zena a s̄enɔ là à ò: B́ wàa ke gbẽ pɔ Filisitini pì dè à Isila'ilano b̀o we'iũnei? Din Filisitini t̄baade pì ù, à bàsa ada kuabiibii Lua b̄é zĩgɔnɔwai? Akũ wà òne lapɔ gbẽno dá o k̄neba wà ò: Maka wàa ke gbẽ pɔ a d̄ene. Pɔ a v̄ina z̄k̄de Eliabu mà Dauda dá yã'o kũ gbẽndɔ, a pɔ pàdi à ò: À kè laba n m̀ lai? Dí n sã ȳnk̄nnano t̄one a ɔzĩ gugbangb̄eũi? Má n ḡḡena kũ n nese v̄aido d̄. N m̀ zĩ gwadi. Dauda ò: B́ ma k̄i? Baa yã maa oo ya? Akũ à kp̄e l̄ne à ḡe yã dokũ pì là gb̄kewa. Lapɔ gbẽ kaaku òneba, maka wà òne dɔ. Wà yã pɔ Dauda ò pì d̀d̀ Saulunɛ, akũ à a sisi.

Pɔ Dauda m̀, à ò Saulunɛ: Gb̄eke su à to a s̄ k̄ Filisitini pì yã musuo. Maakũ n zɔbenna, maa ge zĩkadido. Akũ Saulu òne: Nda f̄ ò ge zĩkadi kũ Filisitini pidoo. Né b̄t̄n n ù. Nɔgɔna pì s̄, zĩḡe zaa a ausukeḡɔ. Akũ Dauda òne: Maakũ n zɔbenna, maakũ

mi ma mae sãñ dá. Tó nɔ̀bɔ̀musu kó mai mò sã kũ kpasaũ, mi a gbè sete mà gbẽ mà sã pì bo a lezĩ. Tó à likamado, akũ mi kũ a lekãwa mà gbẽ mà de. Maakũ n zɔ̀benna, ma nɔ̀bɔ̀musu kũ maido dè piki, mí Filisitini t̄ɔ̀baade pì da gõ landõ pɔ̀ pinɔ̀ba, zaapɔ̀ ada kuabiibii Lua b̄́e zĩgõñɔ̀wa. Dauda sùka à ò: Lapɔ̀ Deke ma bo nɔ̀bɔ̀musu kũ maido lezĩ, maka àa ma bo Filisitini pì ɔ̀zĩ. Akũ Saulu òne: Ge! Deke kũ kundo.

Saulu a zĩka'uta dâne, à a mɔ̀t̄eã f̄ua kpàne, akũ à a mò uta dâne. Dauda Saulu f̄enda lòko zĩka'uta pìwa. Pɔ̀ à ȳ taa'owa, akũ à f̄uwa, zaapɔ̀ aba a d̄one d̄o. Akũ à ò Saulune: Maa f̄ mà ge kũ pɔ̀ pinɔ̀doo, zaapɔ̀ maba a d̄one d̄o. Akũ à pɔ̀ pinɔ̀ b̄ute piki à kàte. À a gopanna sè, akũ à gè à gbè bodogona sète swawẽ men sɔ̀, à kà a sãdãbɔ̀kɔ̀ũ. Akũ ada ká Filisitini pì s̄e, a a gbèba kũna.

Akũ Filisitini pì dá ká Dauda s̄e, a d̄akpabɔ̀kũnna be a ē. Pɔ̀ à Dauda gwà, à è né b̄t̄ɔ̀ t̄eã maae, akũ à d̄one kèdo. À òne: Gb̄een ma ù, akũ n basa ñda m̄ma kũ gòdo ya? Akũ à a laalibo kũ a t̄aa t̄odo. Akũ à sùka à ò: Nama s̄e, b̄ãñ da n be, lakpe nɔ̀bɔ̀nɔ̀ dí n so. Dauda òne: F̄enda kũ s̄oke lé peleledo kũ s̄oke lé s̄t̄èdo akũ ñda m̄doma. Maakũ s̄, Deke Zĩkannanɔ̀de Isila'ilano Lua pɔ̀ ñda kuabiibiiwa tɔ̀ an máda m̄domma. Deke da n namea ma ɔ̀zĩ gb̄aa. Maa n n̄e, mí n mì z̄, mí Filisitini zĩkannanɔ̀ gèno kpa b̄ãñ kũ lakpe nɔ̀bɔ̀nɔ̀wa gb̄aa an so, ãnua dí d̄ pɔ̀ Lua ku kũ Isila'ilanɔ̀do. Gb̄ pɔ̀ kakaana k̄u lanɔ̀ dí d̄ pɔ̀ Deke dí z̄ibe kũ f̄enda kó kũ s̄okedoo. Deke mí z̄ gb̄aa v̄, àa á naw̄eã wá ɔ̀zĩ.

Gɔɔ pɔ Filisitini pì dá ká Dauda sɛɛ, ada mɔ a wiwidi, akū Dauda basi ada suwa gu pɔ wàa zīkaũ. Akū à ɔkà a bɔkɔũ, à gbè bò à dà a gbɛbaũ. Pɔ à Filisitini pì gbàdo, akū à a pà a ɛɛwa. Gbè pì v̄ite a ɛɛ piũ, akū à lète a nesewa. Gbèba an Dauda zībèdo Filisitini piwa. À a pà à a nè, baa fēnda aba kūnao. Akū à basi à gèɛ à lòkola, à a fēnda wò a kpɛu, à a dè à a mì z̄do. Pɔ Filisitininɔ è an nɛgɔna pì gà, an lè kɔu. Akū Isila'ilano kū Yahudano pèmmá kū wikido, an an ya ee Gata leũ kū Ekelonì bī ledò. Gbè pɔ an an dedeno gèno ḡ katena sena zaa Saalaimu zēũ ee Gata kū Ekelonido. Pɔ an sù kū Filisitininɔ yanado, akū an an bùa pɔno nàkãa. Dauda Filisitini pì mì sè à gèdo Ulusalima, à a zīkabɔno kàte a kpu.

Gɔɔ pɔ Dauda dá ka Filisitini pì sɛɛ, Saulu dá a gwa, akū à a zīkannano gbè zōkō Abineɛ là à ò: Dí nen nɔgɔna pì ũi? À wène à ò: Kia, kū n kunado, maba d̄o. Akū kia ò: La n ma gbè pɔ a nen ausu pì ũ. Pɔ Dauda sù kū Filisitini pì denado, Abineɛ a sè à gèdo Saulu kīa, a Filisitini pì mì kūna. Akū Saulu a là à ò: Né, dí nen n ũi? À wène à ò: N zɔbenna Yese, Baitalami gbè nen ma ũ.

Saulu ibetesena kū Daudado

Pɔ Dauda yā'ò kū Sauludo à làka, akū Yonatā gbènnakpàdo, a yidi landō a gīna undeba. Zaa zībeezi Saulu a dī a bɛwa, i we à ta a mae bɛwa dɔo. Yonatā yā dīdo, pɔ à yidi landō a gīna undeba yādi. Akū à a utada pɔ a dana bò à a gbà kū a zīka'utado kū a fēndado kū a sádo kū a asanedo. Gu pɔ Saulu

Dauda gbèèù zíkadi piki, ì sa'ase, akū à a dì a zíkannanɔ gbě zōkō ũ. A yā dì ke gbēmpikine nna kū Saulu ibaanɔdo piki.

Pɔ zíkannanɔ dá su Dauda Filisitini pì dena kpe, nɔgbēnɔ bò Isila'ila bīinɔũ piki, an gèe dadi an kia Saulule, andá lesi, andá ũ wā, andá batagāgā le, andá pɔnnake, andá sekesekena le. Andá lesi, andá dɔ kōne, andá ũ wā, andá o:

Saulu gbēnɔ dède oaa sɔo (1,000),

Dauda sɔ oaa sɔosɔo lee kwi (10,000).

Yā pì kè Saulune ñi maamaa, akū a pɔ pà à ò: Wà oaa sɔosɔo lee kwi kpà Daudawa, maakū sɔ oaa sɔoe. Kpata mí gò à si sà. Zaa zībeezi akū à wɛe bò à dāne.

Pɔ a gu dò, akū Lua tò Saulu taa pāsī pì dède, ada yā bute a kpu, akū Dauda a mɔɔna sè, ada lé lapɔ ì ke gɔɔkepikeiba. Saulu a sɔke kūna, akū à a gbàdo à ò: Maa Dauda pado mà na kōwa kū gīdo. Akū Dauda a gīna ène gēn pia. Saulu ì vīake Daudane, pɔ Deke kudo mí à pākpàdi yādi. Akū à Dauda yà à a dì zíkanna gbēn oaa sɔonɔ gbě zōkō ũ. Akū mí dīkū dōnné eɛ zīkakīa. Gu pɔ à gèe piki ì sa'ase, pɔ Deke kudo yādi. Pɔ Saulu è ìkū sa'ase, akū à vīamāne de yāala. Isila'ilanɔ kū Yahudanɔ sɔ an yi Daudadi an piki, pɔ ìkū gēnné eɛ zīkakīa yādi.

Akū Saulu òne: Maa ma nenɔgbē kaaku Melaba kpamma na ũ. Nɛgōnkɛna ke, ní zīkamea Dekene. Zaapɔ Saulu laasookè à ò: Maa ɔnawao, Filisitininɔ mí anda a de. Akū Dauda òne: Din ma ũi? Dinɔn ma bedenɔ kū ma mae buinɔdo ũ pɔ mà basa mà gō n

né zǎ ũi? Pɔ Melaba kà wà kpa Daudawa, akū Saulu a kpà Mehola gbē Adieliwa.

Saulu nenɔgbē Mikala yi Daudadi. Pɔ wà yā pì ò Saulune, à kène nna à ò: Maa a kpawa, i gɔne kyakona ũ, Filisitininɔ dí a de. Akū à ò Daudane: Nda ma né ke le ò se sà. Akū à ò a ibaanɔne: À yā'o Daudane asiū, à one a yā kàmaū, mí ma ibaanɔ yidi piki. À ma nenɔgbē se. A ibaanɔ yā pì kà Daudane a swawa, akū à ònné: Gɔna kia né zǎ ũ yā faan ya? Taaka takasiden ma ũ. Pɔ Saulu ibaanɔ sù, an Dauda yā pì dòdɔne. Akū Saulu ò: À one má yi ãnzue pekedio, sema à pɔ fīa simɛa ma ibɛ Filisitininɔwa, i sumɛa kū an tɔbaado men basɔ. Ada e Filisitininɔ da a de.

Pɔ ibaa pinɔ yā pì dòdɔ Daudane, gɔna kia né zǎ ũ kène nna sà. Ee nɔ pì segɔɔ kū ge kadi, Dauda kū a zīkannanɔdo fète an gèe Filisitininɔ dède gbēn oaa do, akū à sù kū an tɔbaado, à kpà kiawa piki, pɔ à le à gɔ a né zǎ ũ yādi. Akū Saulu a né Mikala kpàwa na ũ. Pɔ Saulu è maka, à dǔ pɔ Deke ku kū Daudado, mí akū né Mikala yidi, akū a vīamanane lafà, à gǔ a ibɛ ũ ee à gèe à gà. Gɔɔ pɔ Filisitini kianɔ bète an gèe zīkadi, Dauda dī sa'ase de Saulu ibaa kenɔla, akū à tɔbò maamaa.

Saulu Dauda wetena à a de

Saulu ò a né Yonatāne kū a ibaanɔdo piki an Dauda de. Esɔ Yonatā yidi à kè zài, akū à a gbà laakai à ò: Ma mae dá n wete à n de. Ñkū n gīna kūna dǔ zia kɔnkɔ. Utekīi wete ñkū kuū. Maa bo be kpe kū ma dedo, wí ze gu pɔ n uteū. Maa n yā one. Lapɔ à òmɛaba, mí onne.

Akū Yonatã gèe Dauda maa bò a dene à ò: Baa, su òn vāi ke n zòbenna Daudaneo, zaapo i vāi ke kenneo, Mí a yākenano ài vīnne maamaa. Pɔ à Filisitini pì dè, à gì a undedi, akū Deke tò wa zì zōkō bè wá piki. N è, akū n pɔ kè nna. Bɔyādi ní yidi òn vāi ke taalisaide pine òn a de pāi? Saulu a yā mà, akū à ledà à ò: Kū Dekedo wàa a deo. A kpe Yonatã Dauda sisi à yā pì dòdɔne piki, akū à gèe kū Daudado Saulu kīa, akū ada zīkene landō yāaba.

Zì sùka à fète, akū Dauda gèe zīkadi kū Filisitininodo. À sùú à zībèmmá bugubugu, akū an ba sīne.

Deke tò Saulu tãa pāsī pì sùka à dède gɔɔ pɔ a zītena a kpu. A a sòke kūna, akū Dauda dá a mɔɔna lenne. Saulu wète à Dauda pado à a na kōwa kū gīdo. Pɔ à ène, akū sòke pì gèe à gī pà.

Gwāafī bee akū Dauda basì à tà. Akū Saulu gbēno zì Dauda bewa an a dādā, andí a de kɔnkɔ, akū a na Mikala a gbà laakai à ò: Tó ndi ba si gwāafīo, wàa n de zia. Akū Dauda bò taagaū, Mikala a gbèe kū bàdo zīte, akū à basì à gète. Akū Mikala tãa sè à wùte wutebɔwa, à bè baa sè à yì tãa pì miwa, akū à baza kùla. Pɔ Saulu gbēno zì Dauda kūdi, Mikala ò ada gyāke. Akū Saulu sùka à gbēno zì Dauda gwadi, à ònné: À a se kū a kaagado, à sudomea mà a de. Pɔ an gè kpu, tãa pì an an è wutebɔwa, bè baa yina a miwa. Akū Saulu Mikala là à ò: Bɔyādi n bo ma kpe n ma ibee gbèe à pītima makai? Mikala wène à ò: À òmea mà to à gē zela. Tó ma gi, akūda ma de.

Pɔ Dauda basì à gète, à gèe Sama'ila gwadi Lama. À yā pɔ Saulu kène dòdɔne piki, akū an gèe an zīte Nayotu kōa. Pɔ wà ò

Saulunε, Dauda ku Nayotu Lama, akū Saulu gbēnɔ zī a kūdi. Pɔ an kà gū, an lè anabinɔ gāa dá anabikekeε, Sama'ila kuú an gēn'εede ũ. Akū Lua Nina di zīnna pinɔnε, andá anabikekeε sɔ. Pɔ wà ò Saulunε, akū à gbēkenɔ zī, akū an anabikekè maka dɔ. Saulu sùka à gbēnɔ zī a gēn aakɔdedi, akū an anabikekè maka dɔ. Akū Saulu fète ada ge Lama a gīna sà. Pɔ à kà lɔgɔ zɔkɔ pɔ ku Seku see, à gbēnɔ là à ò: Sama'ila kū Daudado ku má ni? Akū wà ònε: An ku Nayotu Lama. Pɔ ada ge gū, akū Lua Nina dìne sɔ, ada ge, ada anabikekeε ee à gèe à kà Nayotu Lama. À a pɔkasano wòto, à anabikekè Sama'ila wewa. Gɔɔ bee fāatē kū gwāafido piki ikū wutena punsi. A yā mí tò wì o: Saulu ku anabinɔ guaū sɔ ya?

Dauda kū Yonatādo

Dauda bò Nayotu Lama à basì à gèe à Yonatā lè, akū à a là à ò: Bó ma kèi? Dàa kpete ma kèi? Vāi kpete ma kè n denε akū ada ma wete à ma dei? À wènε à ò: Gyaū! Nda gao. Gwa, ma mae dikū peke ke à gì kadi ma swawao, yā zɔkɔ kó a yōnkōnna dò. Ma mae dakū yā bee bii ke à gi odimeεa de? Makando fa! Akū Dauda ò dɔ: N mae dɔ sāsā pɔ n ma we gwà. A yādi i to n yā pì mào, pɔ n pɔ su à yao yādi. Kū Deke kunado kū n kunado má ku ga lezī. Akū Yonatā ònε: Yā pɔ n làma piki maa kenne. Akū Dauda ònε: Gwa, mɔ dufu dikpe ku zia. À kōsì mà zīte mà pɔbe kū kiado. To mà gèe mà ute lakpeū ee zia baasi ɔkɔsi. Tó n mae ma yā là, onε ma zé làmma ma gèe ma be bīiū Baitalami zenazena, pɔ ma bedenɔ piki dá sa pɔ wì o wè kū wèdo o gū

yādi. Tó à ò a maaε, maakū aafia, esō tó a pɔ pà maamaa, òkū dō pɔ yā vāi à yādi à kemea nu. Gbēnesīnke ke maakū n zɔbennane, zaapɔ n yā òmado kū Deke dōnado. Tó má taali vī, ma de n gīna. Su ò ma kpa n dewao. Akū Yonatā ò: Gyaū! Tó má dō pɔ ma mae yādi à vāi kenne, maa onneo de? Akū Dauda a là à ò: Tó n mae sù à yā pāsī ònne, dí mí da omēai? Akū Yonatā òne: Mɔ wà ge lakpeū. Akū an bùte an gēε lakpeū an pia.

Akū Yonatā ò: Kū Deke Isila'ilano Luado, ee zia baasi makaa'i maa a mae yō mà gwa. Tó n yā kàù, maa lekpele kenne. Tó ma mae yidi à vāi kenne, mí mi lekpele kenne ma n gbεε n ta aafiao, Deke yā pāsī kemea bēεbēε. Deke kū kundo lapɔ a ku kū ma dedo yāaba. Tó ma sù má ku, gbēnesīnke kemea lapɔ Deke di keba. Tó ma sù ma ga sō, n maakena su à laka kū ma bedenɔdo zīkeo, baa tó Deke tò n ibεeno làka ānuau. Maka Yonatā yā di kū Daudado, akū à ò: Deke fīabo n ibεenone. Akū Yonatā tò Dauda sùka à ledàakūne dɔ pɔ a yidi yādi, zaapɔ a yidi landō a gīna undeba.

Akū Yonatā òne: Mɔ dufu dikpe ku zia. Tó wì gbēke e n guuño, wàa n yā la. Zia baasi ge utedi gu pɔ n uteū yā pì dategɔɔ, ndíkū ku gbè pɔ de taale ũ sεε gū. Maa kà zu gbè pì sεε wé aakō, landō máda pɔ gbāba, mí nɔgōnke zī à gεε kà pinɔ wete. Tó ma òne, kanɔ ku a kpe, à sete à mɔdo, ndí mɔ, zaapɔ kū Dekedo ndakū aafia, yāke ba kuo. Tó ma òne kanɔ ku a εε sō, ge, zaapɔ Deke mí n gbεε. Yā pɔ wa di kū kōdo sō, Deke mí àakū de yā pì seedade ũ gɔɔkepiki.

Akū Dauda gèe à ùte lakpeū. Pɔ mɔ dufu bò, kia zìte pɔbedi. À zìte a zìtekĩa gĩ sɛɛ. Yonatã zìte a ɛɛ, mí Abineɛ ku a sɛɛ. Dauda zìtekĩi sɔ, gběke ba ku gũo. Saulu di yãke o zĩbeeziɔ, zaapɔ ada e peke mí a lè, à gbāsĩ kpà, bee mí gìnɛ. Pɔ a gu dɔ mɔ gɔɔ piade zĩ, Dauda zìtekĩi gi da gii, akū Saulu a né là à ò: Bɔyãdi Yese né di mɔ pɔbedio zaa gĩai? Akū à ònɛ: À zé làma, à gèe Baitalami. À ò mà to àkū gɛ, zaapɔ a bedenɔ dá sa'o bĩ piū, akū a vĩna ònɛ à mɔ. À ò tó à kèmea, mà akū gbɛɛ àkū gɛ akū vĩinanɔ gwadi. A yã mí tò i mɔ pɔbedindoo. Akū Saulu pɔ pà Yonatãdi à ò: Né laakaisai swagbãade! Má dɔ pɔ n zɛ kũ Yese nɛdo. N we'i dà n gĩna kũ n dadowa. Tó Yese nɛ pì ku undeū, nda e òn kpatabeo. Gbẽnɔ zĩ an a kũ an sudomea tia. Àa ga gũe. Akū Yonatã a là à ò: Bɔyãdi àa gai? Bó à kèi? Akū Saulu Yonatã gbà kũ sɔkɛdo à le à a de, akū Yonatã dɔ sà pɔ akū mae zè kũ Dauda denado.

Yonatã fète pɔbenala kũ pɔpaado, i pɔbe mɔ gɔɔ piade zĩ pio, zaapɔ a nɛsɛ yà Dauda yã musu, pɔ a mae a òn futaū yãdi.

Pɔ a gu dɔ, Yonatã bò à gèe Dauda ledi gu piū. Nɔgɔnke tedi. Akū à ò né pine. Basi òn gɛ le. Maa ka zu, ndí wete. Pɔ nɛ pì basi ada gɛ, akū Yonatã kà zù à gète a mila. Pɔ nɛ pì kà gu pɔ Yonatã kà gbèe piū, akū à lezù né pidi à ò: Kà pinɔ ku n ɛɛ le. Akū Yonatã sùka à lezùdi dɔ à ò: Ge kpaaka, su òn zɛo. Akū nɛ pì kà pinɔ sète à sùdo a dekenɛ. Nɛ pì ba yã pì dɔo, sema Yonatã kũ Daudado. Akū Yonatã a zĩkabɔnɔ kpà nɛ piwa à ò: Si òn tado be.

Pɔ ne pì tà, Dauda fête genɔmidɔkii ɔdi, à mò à kùte Yonatãne gẽn aakɔ, à wùte a nesewa. Akũ an lepè kɔwa, an ɔɔdò an pia piki, Dauda pɔ mí kè zài. Akũ Yonatã òne: Ge aafia, zaapo wa ledà kũ Deke tɔdo wa ò, Deke mí wá seedade ũ ma buinɔ kũ n buinɔdo zãngua ee gɔɔkepiki. Dauda bò gũ, akũ Yonatã sùka à tà be.

Sama'ila takada piade

Dauda Saulu gaa bao mà

Saulu gaa kpe Dauda sù kũ Amalekinɔ kaatenado, akũ à gɔ Zikilaga gɔɔ pia. A gɔɔ aakɔde zĩ nɔgɔnke bò Saulu bùaũ à mò. A pɔkasano kɛkɛna, mí bùsu kà a miũ. Pɔ à kà Dauda kĩa, à kùtene à wùte a nesewa. Dauda a là à ò: N bo má ni? À wène à ò: Ma bo Isila'ilano bùaũ. Akũ Dauda a là dɔ: Bó mí kè gũi? Omea. Akũ à wène à ò: Isila'ilano bò zĩkakĩa an basi. An paida lète an gàga. Saulu kũ a né Yonatãdo gà dɔ. Akũ Dauda ausu pɔ dá bao pì kpane là à ò: Laba mí n kè ní dɔ Saulu kũ a né Yonatãdo gà? À wène à ò: À mò à lè má ku Giliboa gbesĩsĩ pɔtɛũ gũ, akũ ma Saulu è, ada gbãa tà a sɔkewa. Sɔgodeno kũ sɔdenɔdo koe lèdi. À lite ma kii ɔdi, à ma e, akũ à ma sisi. Ma ò: Má la! Akũ à ma la, maakũ di ũi? Akũ ma wène Amaleki buin ma ũ. Akũ à òmea mà na akũ sɛɛ, mà akũ de, zaapo gu dá liwa, baa pɔ a wé gi kɛna yɔnkɔn. Akũ ma nà a sɛɛ ma a dè, zaapo má dɔ àa fɔ akũ ku a zɔna pì kpe dɔo. Akũ ma a kiafua pɔ a kpana sè kũ zã pɔ a

danado, akū ma mɔdonɔ la ma deke. Akū Dauda a pɔkasano gà à kè, akū gbě pɔ kudono an an pɔ kèkè sɔ. An Saulu kū a né Yonatádo ga wɔdò kū Deke gbě Isila'ilanɔdo, zaapɔ zĩ an beɛ. Wɛi bɔmmá, akū an leyì ee wɔkɔsi.

Dauda ausu pɔ bao pì kpàne là à ò: N be ku má ni? Akū à òne: Bommɔ nen ma ũ, Amaleki bui. Akū Dauda a là à ò: À kè laba kia pɔ Deke kpà dɛna vĩa di n kũo ni? Akū Dauda ausu ke sɔsi à ò: N a le n a de sɔ. Akū à a lè à a dè. Akū Dauda ò: N n gĩna dè, zaapɔ n gĩna lé mí n da yãu, n ò n kia pɔ Deke kpà dè.

Wewěnda le pɔ Dauda sɔ Saulu kū Yonatádo gana yã musu

Dauda wewěnda le di sɔ Saulu kū a né Yonatádo gana yã musu. À ò wà le pì dada Yahudanɔne. A ku Gbě Maano takadaũ.

Isila'ila gakwideno gàga sɔsɔ pɔtɛũ,

negɔnono i'ò fa!

Á su à a bao kpa Gata gãalewao,

pɔ Filisitini nɔgběno su an ponna keo yãdi.

Á su à a kaseedika Asekeloni bĩũo,

pɔ tɔbaade nenɔgběno su an ponna wikipeo.

Fii su à kpa Giliboa gbesĩsɔwa dɔo,

legũ su à ma bua pɔ kuũno dɔo.

Gũ negɔnono dãkpabɔno yɔkpà kũ audo,

nisidɔkɔna Saulu dãkpabɔwa làka!

Tó wada negɔnono au fã gula,

wada an nese paa,

kazun pãsi Yonatã dí kpekpe keo,

fëndade pāsī Saulu dí su giio.
 Saulu kũ Yonatãdo,
 gbẽmpiki yĩndi, wĩkũ kenné kèke.
 Andi kē kōwa unde kó ganaũo.
 An wãa de kúunɔla,
 an gbãa de nɔbɔmusunɔla.
 Isila'ila nɔgbẽnɔ,
 à ɔɔɔ Saulu gana yã musu.
 À á ká baza tẽa yinaawa kũ nnamabebɔnɔdo,
 a sabadi a pɔkasa maanɔ dà kũ zĩnali nɔmaabebɔnɔdo.
 Nɛgɔnanɔ i'ò zĩkaũ fa!
 Wà Yonatã dè kũ fëndado sĩsĩ pɔtẽũ.
 Ma gbẽ Yonatã,
 ma gɔ yina n yãdi,
 n maamea wasawasa.
 N yinamadi ba sáa vĩo,
 a de nɔgbẽ yindila.
 Nɛgɔnanɔ i'ò fa!
 An zĩkabɔnɔ kàate.

Dauda kpana Yahudanɔ kpataũ

Bee kpɛ Dauda Deke là à ò: Mà gɛ Yahuda bĩi keũ ya? Deke ònɛ à gɛ, akũ Dauda sũka à a là à ò: Mai mà gɛi? Deke wènɛ à ò: Hebeloni. Akũ Dauda gèɛ gũ kũ a na gbẽn pianɔdo, Yezelɛli gbẽ Aincamu kũ Nabali gyaanɔ Abigaili, Kaameli gbẽdo. Dauda gèɛ kũ gbẽ pɔ kudonɔdo ɔɔ, baapiki kũ a bɛdenɔdo, akũ an zĩtɛ

Hebeloni kũ a bĩikonnanɔdo. Akũ Yahudanɔ gbě zõkõnɔ m̀ an nisi kà Dauda miwa gũ, an a kpà Yahudanɔ kia ù.

Pɔ Dauda mà Yabesi Gileadadenɔ mí Saulu v̄, à gběno z̄immá, an ònné: Deke balikakaaũ! A gběnesĩnkekè Saulu á dekenɛ, a a v̄. Deke maake kũ naaiyãdo keanɛ, pɔ a yã pì kè yãdi. À s̄di à ze gbãa. Á deke Saulu gà, akũ Yahudanɔ ma kpa an kia ù.

Nee né Abineɛ, Saulu z̄ikannanɔ gēn'eede gèe kũ Saulu né Isibosedo Mahanaimu. Akũ à a kpà kia ù Gileada busuũ kũ Asilu buinɔ busudo kũ Yezelɛlido kũ Efɛlaimu buinɔ busudo kũ Biliaminu buinɔ busudo kũ Isila'ila bùsu kõnɔdo piki. Saulu né Isibose wè bapiadeũ à ḡ Isila'ilanɔ kia ù. À kpatabè wè piaɛ. Yahudanɔ s̄, Dauda an an zèdo. Dauda mí Yahudanɔ kia ù Hebeloni ee wè soopia kũ mɔ soododo.

Isila'ilanɔ z̄ikana kũ Yahudanɔdo

Nee né Abineɛ kũ Saulu né Isibose z̄ikannanɔdo bò Mahanaimu an gèe Gibeõ. Zeluya né Yoabu kũ Dauda z̄ikannanɔdo f̄ete an gèe dadińle Gibeõ ida see. An lee do ku í kpela, an lee do ku í kpele. Akũ Abineɛ ò Yoabune: To ausuno fete an k̄k̄'owëa. Akũ Yoabu ò: An ge. Akũ Biliaminu z̄ikannanɔ f̄ete gbēn kwi weepia Isibose pɔ ù, akũ Dauda z̄ikannanɔ f̄ete gbēn kwi weepia s̄. Baapiki ɔ kà a dēkan dake mikpedi, akũ an k̄ z̄z̄ k̄ kpadowa kũ fēnado, an k̄te ledaleda. Akũ wà t̄kpà Gibeõ gu pine Fēnlennanɔbua. Z̄i pɔ wà kà gɔɔ bee pāsī maamaa, akũ Dauda z̄ikannanɔ z̄ibè Abineɛ kũ Isila'ilanɔwa.

Zeluya nenogõn gbën aakõnõ ku gũ, Yoabu kũ Abisaido kũ Asaelido. Asaeli sõ, a bà nna landõ tueba. Akũ à pète Abineedi, i lite òpiadi kó òzengedio. Põ Abinee a kpe gwà, à a è, akũ à ò: Asaeli, makõnn nu kóo? À wène à ò: Maakũe. Akũ Abinee òne: Lite òpiadi kó òzengedi, ndí ausu ke kũ ò a põnõ siwa. Esõ Asaeli di zenéo. Abinee sũka à òne dõ à ò: Su ò na ma seeo. Ní yidi mà n de ya? Tó ma n de, maa we wá wé ke siikõ kũ n vĩna Yoabudo dõ ya? Esõ Asaeli gĩ, i zenéo, akũ Abinee a zõ a neseũ kũ a sòke pado ee à bò kpe. Gũ à lète à gà, i go a gbẽũo. Põ gbẽmpiki kà gu pò à lète à gà piũ, an zè anda gwa.

Akũ Yoabu kũ Abisaido pè Abineewa ee isãtẽ gèe à lète. An kà Esõ sĩsĩ pò bokõwa kũ Giado musu Gibeõ gugbangbe zé see. Biliaminu buinõ kõ kàkaa Abineedi læ do, akũ an gèe andá gi kũ an gĩnado sĩsĩ musu. Akũ Abinee lezù Yoabudi à ò: Wáa ze kõ dedenanéo de? Ní dõ pò yã pì da midè kũ pòsiadoo de? Nda o n gbẽnõne an zewãa an suka an tao ya? Akũ Yoabu wène à ò: Lua ku! Tó ndi lé si yãao, ma gbẽnõ da zeaneo ee gu gèe à dõ. Põ Yoabu kuu pè, akũ a gbẽnõ kãmabò, andi ge Isila'ilanõwa kũ zìdo dõ.

Gwãafĩ bee Abinee kũ a gbẽnõdo be lakpeũ, an bùa Uudẽwa, akũ an pã swadõdi ee an gèe an kà Mahanaimu. Põ Yoabu sù kũ pena Abineewado, akũ à a zĩkannanõ kàkaa piki. Dauda gbẽnõ guaũ gbën bao mendosai mí kĩa, Asaeli baasi. An Biliaminu pò ku kũ Abineedonõ dède gbën oaa do kũ baswaakõdo

(360). An Asaeli gè sè an vî a mae gbeweũ Baitalami. Akũ Yoabu kũ a gbẽnɔdo ta'ò gwãafi, gudɔdo an an kà Hebeloni.

Zì pɔ Saulu bedenɔ kà kũ Dauda bedenɔdo gikè. Dauda gbãa dá dedee, Saulu bedenɔ sɔ, an gbãa dá busae.

Dauda nenɔgɔnanɔ

Nenɔgɔna pɔ Dauda ì Hebeloni tɔn di: A kaaku tɔn Aminɔ, a da tɔn Ainɔamu, Yezeleli gbẽe. A piade tɔn Kileabu, a da tɔn Abigaili, Nabali gyaanɔ, Kaameli gbẽe. A aakɔde tɔn Abisalomu, a da tɔn Maaka, Gesuu kia Talemai nee. A siikɔde tɔn Adonia, a da tɔn Hagiti. A sɔode tɔn Sefatia, a da tɔn Abitali. A soodode tɔn Iteamu, a da tɔn Egela. Dauda nanɔ ne pinɔ ì Hebeloni.

Abinee nana Daudawa

Gɔɔ pɔ Saulu bedenɔ dá zĩka kũ Dauda bedenɔdo, Abinee dá gbãa kũ Saulu bedenɔũ. Saulu na pɔ i mese dɔneo vî yãa, a tɔn Lizipa, Aya nee. Isibose ò Abineene: Bɔyãdi n wute kũ ma mae nadoi? Abinee pɔ pà maamaa Isibose yã pì yãdi à ò: Yahudanɔ gbẽen ma ù ya? Mada gbẽnesinke ke n mae Saulu bedenɔne kũ a dakũnanɔdo kũ a gbẽnnanɔdo ee gbãa. Mi n na Daudane a ɔzĩo, akũ nda ma taali le nɔgbẽ pì yã musu sà ya? Tó mi lé pɔ Deke di Daudane keneo, Lua yã pãsi kemea bẽebẽe. Á Saulu bedenɔ, maa kpata siawae, mí tó Dauda gɔ Isila'ilanɔ kũ Yahudanɔ kia ù zaa Dã ee à gèe à pè Beesebawa. Isibose di wedi à yãzãsi Abineewa dɔo, pɔ ada viakene yãdi.

Abineε gbēnɔ zĩ Daudawa kũ a tɔdo à ònε: Dí mí bùsu vīi? Wà ledokũ ke, mí n gaake, pɔ Isila'ilanɔ le à namma an piki. Akũ Dauda ò: A maa, maa ledokũ kendo, esɔ yã mendo máda n la. Tó nda mɔ ma gwadi, tó ni mɔmea kũ Saulu nenɔgbē Mikaladoo, su ò tó wá wé ke siikɔ. Dauda lekpele kè Saulu né Isibosene à ò: Ma na Mikala sukamea. Ma ãnzue bè kũ Filisitininɔ tɔbaado men basɔ. Akũ Isibose gbēnɔ zĩ, an nɔgbē pì sì a zǎ Palatie, Laisi newa. Akũ a zǎ pì dá gedo, a tedi ee Bahulimu, ada ɔɔɔ. Akũ Abineε ònε à suka à tá, akũ à tà.

Abineε yǎ'ò kũ Isila'ila gbē zɔkɔnɔdo à ò: Zaa zi áda wete Dauda kũ de á kia ũ. À a kpa sà, zaapɔ Deke alkawalikène à ò akũda akũ gbē Isila'ilanɔ bo Filisitininɔ kũ n ibeenɔdo piki ɔzĩ akũ zɔbenna Dauda sabadi. Abineε yǎ pì kà Biliaminu buinɔne n swawa dɔ. Akũ à gèe à yǎ pɔ kè Biliaminu buinɔne kũ Isila'ilanɔdo nna pì odi Daudane Hebeloni. Pɔ à kà Dauda kĩa Hebeloni kũ gbēn bao pɔ kudonɔdo, akũ Dauda pɔbena dasi kènné. Akũ Abineε ò Daudane: Ma deke kia, to mà fete mà ge Isila'ilanɔ kakaanne piki, an ledokũ kendo, ndíkũ de bùsu pɔ n pɔ dɔwa pì piki kia ũ. Akũ Dauda Abineε gbèe, ada tá aafia.

Yoabu Abineε dena

Gɔɔ bee zĩ Yoabu kũ Dauda gbēnɔdo sù kũ letenammádo. An pɔnɔ sì gbēnɔwa maamaa an sùdo. Abineε ba ku kũ Daudado gũ dɔɔ, zaapɔ à a gbèe, ada tá aafia. Pɔ Yoabu kũ zĩkana pɔ kudonɔdo kà, wà ònε Nee né Abineε mò kia gwadi, akũ à a gbèe à tà aafia. Akũ Yoabu gèe kia lè à ò: Bó yǎ n kè makai? Pɔ Abineε

mò n kĩa, bɔyãdi n tò à tãi? Mba Nɛɛ né Abinɛɛ dɔo de? À mò ãnɔkɛdinɛ, pɔ à le àkũ n gugegɔɔ kũ n sugɔɔdo dɔ kũ n yãkenanɔdo piki. Pɔ Yoabu bò Dauda kĩa, akũ à gbɛnɔ zĩ an pɛtɛ Abinɛɛ pidi. An a lè Sila lɔgɔ kĩa, akũ an a kũ andá sudo, esɔ Dauda ba a yã dɔo. Pɔ wà kà kũ Abinɛɛdo Hebeloni bii lɛũ, akũ Yoabu a sisi landɔ a yidi à asiyã odoba, akũ à a zĩ a nesɛũ à a dè. A dakũna dena fĩa an à siwa.

Bee kpe pɔ Dauda mà, à ò: Maakũ kũ ma kiakɛɛdo, maba taali vĩ Dekɛɛ Nɛɛ né Abinɛɛ dena yã musuo. Yã pì da wi Yoabu musu kũ a de bɛdenɔdo piki. Yoabu bɛdenɔ dakũ ku kɛntude saio kó kusude kó ɛ kó gbɛ pɔ zĩ a bè kó nɔadenna. Yoabu kũ Abisaido mí Abinɛɛ dè, pɔ akũ mí à an dakũna Asaeli dè zĩkakĩa Gibeɔ yãdi. Akũ Dauda ò Yoabunɛ kũ gbɛ pɔ kudonɔdo piki: À á pɔkasano ga à kɛ, í bakasano kakaala, íkũ tɛ Abinɛɛ gèdi kũ ɔɔɔdo. Kia Dauda mí tɛ gè pidi. Akũ wà a vĩ Hebeloni. Kia ɔɔdò, à wiki gbãa pɛ Abinɛɛ miala, akũ gbɛmpiki ɔɔdò sɔ. Akũ kia wewɛnda le di sɔ Abinɛɛ yã musu à ò:

Abinɛɛ gana landɔ misaideba maan nu ya?

Wì a ɔ line a kpeo, wì katikati kpanɛo,

akũ à gà landɔ gbɛ pɔ zù yãvãikennano ɔũba.

Akũ gbɛmpiki sũka an ɔɔdò dɔ. Gbɛmpiki mò an ò Daudane à pɔbe ee gu kũ gɛ à sí, esɔ à lɛdà à ò: Tó ma bulodi kó pɔbena ke kà ma lɛũ isãletesai, Lua yã pãsí kemɛa bɛɛbɛɛ. Gbɛmpiki wɛ tɛ yã pidi, akũ à kɛnɛ maa. Yã pɔ kia pì dá ke piki dì ke gbɛnɔne maaɛ. Gɔɔ bee an Dauda gbɛnɔ kũ Isila'ılanɔdo piki dɔ

sà pɔ kia lé ba ku Nɛɛ né Abineɛ dena yãuo. Akũ Dauda ò a gbẽ pinɔnɛ: Á dɔ̄ pɔ Isila'ilanɔ gẽn'ɛede zɔ̄kɔ̄ gà gbãao de? Maakũ sɔ̄, baa pɔ Lua ma kpa kia ũ, ma busa gbãa. Zeluya ne pinɔ yãkena pãsi de ma pɔla. Deke mí da fiabo vãikennane.

Isibose gana

Pɔ Saulu né Isibose mà Abineɛ gà Hebeloni, a ká gà, mí Isila'ilanɔ gè̄ bidiũ an piki. Saulu ne pì zĩkana gẽn'ɛedenɔ vĩ gbẽn pia, a do tɔn Baana, a do sɔ̄ Lekabu. Beelo gbẽ Limɔ, Biliaminu bui nenɔɛ. Wà Beelo dì Biliaminu pɔ ũ yãa, zaapo Beelodenɔ basì an tà Gitaimu, an ku gũ ee gbãa. Saulu né Yonatã sɔ̄ a né vĩ ɛɛ ũ. Gɔɔ pɔ ne pì kà wè̄ sɔo, akũ Saulu kũ Yonatãdo gana Yezeleli bao sù. Pɔ a gwanna a sè, ada basido, a wãnaũ an ne pì pìtiwa à lè̄te. Bee mí tò à ɛɛ kũ. A tɔn Mefibose.

Beelo gbẽ Limɔ ne pinɔ Lekabu kũ Baanado fè̄te, isãtè gbãadi an an kà Isibose bewa, gɔɔ pɔ ada i fãatè o. Akũ Lekabu kũ a dakũna Baanado gè̄ kpu, an kè landɔ̄ wada ge pɔwena dãdiba. Pɔ an gè̄ kpu, Isibose wutena a wutebɔwa, akũ an gè̄di kpe'ɛɛũ, an a zè̄ an a dè. Akũ an a mì zè̄ an sè an tãdo. An gè̄ Uudẽ lakpeũ, akũ an beũ ee gu gè̄ à dè. An m̀ Dauda kĩa Hebeloni kũ Isibose m̀do an ònɛ: Gwa, n ibɛɛ Saulu pɔ wè̄te à n de né Isibose min di. Wá deke kia, Deke pɔ fĩa sinne Saulu kũ a buinɔdowa gbãa. Dauda wènné à ò: Deke ku! À ma bo ma takasikenaũ piki. Pɔ gbẽke m̀ ma kĩa Zikilaga yãa à ò Saulu gà, ada e bao nna akũda kpa, akũ ma a kũ ma a dè. A baokpana àin nu. Atèesa lapɔ á gbẽ vãinɔ a taalisaide dè a wutebɔwa a kpu,

maa a dena fĩa siawa mà á unde bo. Akũ Dauda yã'ò a ausunɔne, akũ an an dede. An an ɔ kũ an gbado ẓẓ, akũ an an gènɔ lòko Hebeloni itɔkĩ sɛɛ. Akũ wà Isibose mì sè wà v̄ Abineɛ gbewẽũ Hebeloni.

Dauda kpana Isila'ilanɔ kpataũ

Isila'ilanɔ m̀ an buiwa piki Dauda kĩa Hebeloni an ò: Wá au dokũɛ. Zaa zi gɔɔ pɔ Saulu de wá kia ũ, m̀kɔn mí dì dɔwẽa ɛɛ ẓkãkã, gena kũ sunado. Akũ Deke ònne m̀kɔn mí dakũ de a gbẽ Isila'ilanɔ gẽn'ɛede ũ, an kia ũ. Pɔ Isila'ila gbẽ ẓkɔnɔ m̀ kia Dauda kĩa Hebeloni an piki, gũ à ledokũ k̀ndo Deke ɛɛ, akũ an nisi kàwa, an a kpà Isila'ilanɔ kpataũ. Dauda w̄ baakwideũ an à kpatabè, à kè kpata piũ w̄ bapia. A de Yahudanɔ kia ũ Hebeloni w̄ soopia kũ m̀ soododo, akũ a de Yahudanɔ kũ Isila'ilanɔdo piki kia ũ Ulusalima w̄ baakwi kũ aakɔdo.

Kia kũ a gbẽnɔdo ḡɛ Ulusalima ẓkadi kũ Yebusi pɔ kuĩnɔdo. Akũ an ò Daudanɛ: Nda ḡɛ lao, baa v̄ianɔ kũ ɛɛnɔdo anda n yae. Andá e Dauda da le à ḡɛ gũo. Baa kũ beedo Dauda b̄i pɔ wà ḡɛ l̄kadi pɔ w̄ o dɔ Siona p̄i s̄i, akũ à ḡɛ a b̄i ũ. Gɔɔ bee Dauda ò: Tó gbẽ yidi à Yebusinɔ dede, sema à ḡɛ ize pɔ wà à gbẽũ, i ɛɛnɔ kũ v̄ia pinɔdo le. Dauda ibɛɛnɔne. A yãdi w̄ o v̄ianɔ kũ ɛɛnɔdo da ḡɛ kia bewao. Akũ Dauda be kè b̄i ḡide piũ, à a ḡina tɔ kpàne Dauda B̄i. À kpenɔ d̀dɔ à l̄kadi zaa gu pɔ wà wè tàta w̄ o Milo ee a wɛdaũ. Dauda gbãa dá lafa, zaapɔ Deke Lua Ẓkannanɔdo kudoɛ.

Taya kia Hilamu gbě̀nɔ zĩ̀ Daudawa kũ sida linɔdo kũ lipaannanɔdo kũ gbepaannanɔdo, akũ an kpe d̀ne. Akũ Dauda d̀ sà pɔ Deke akũ kpa Isila'ilanɔ kia ũ, mí à akũ kpata làfaakũne, pɔ Isila'ilanɔ de Deke pì gbě̀nɔ ũ yãdi.

Dauda bona Hebeloni kpe à sũka à nɔ kenɔ sè Ulusalima dɔ kũ nɔgbě̀ pɔ i mese dinneonɔdo, akũ à nenɔgɔnanɔ kũ nenɔgbě̀nɔdo ínɔdo. Nenɔgɔna pɔ à an í Ulusalima pinɔ tɔn di: Samua, Sobabu, Natã, Sulemanu, Ibaa, Elisua, Nefegi, Yafia, Elisama, Eliada, Elifeletu.

Pɔ Filisitininɔ mà wà Dauda kpà Isila'ilanɔ kia ũ, akũ an gèe andá wete an a de an piki. Pɔ à an bao mà, akũ à gèe lakpesiũ. Filisitininɔ kua kpà Lefai gusitedi, akũ Dauda Deke là à ò: Mà ge letedi Filisitininɔwa, nda an namea ma ɔzĩ ya? Akũ Deke wène à ò: Ge, maa an nanne n ɔzĩ. Akũ Dauda gèe Baali Pelazimu, à zĩbèmmá gũ. Akũ à ò: Deke d̀mea eε, à bò à m̀ ma ibeenɔwa kũ gbãado, lapɔ í dì gu f̃ buiba. Akũ à tɔkpà gu pine Baali Pelazimu. Filisitininɔ an tãanɔ tò gũ, akũ Dauda kũ a gbě̀nɔdo an an sète an tãdo.

Filisitininɔ sũka an m̀ dɔ an kua kpà Lefai gusitedi. Akũ Dauda sũka à Deke là dɔ. Akũ Deke wène à ò: Su n̄ gerĩma susuo. Bo an kpe ɔdi, ndí letemmá bokɔwa kũ kpē kpedo. Tó a taa'okɔfĩ mà lí pinɔ musu, à ke kpaaka, zaapɔ maakũ mí ma bo ma gèane eε gũ, pɔ mà zĩbeanε Filisitini zĩkannanɔwa yãdi. Dauda kè maka lapɔ Deke òneba, akũ à zĩbè Filisitininɔwa zaa Gibeɔ ee à gèe à pè Gezeewa.

Suna kũ Deke akpatido Ulusalima

Dauda sũka à Isila'ila pɔ à an senɔ kàkaa gbẽn oaa sɔsɔɔ lɛɛ baakwi (30,000). Akũ à fête à dàndo zeũ, an gèe Baala pɔ ku Yahuda busuũ, pɔ an Lua akpati sɛ wà sudo. Deke Zĩkannanɔde dikũ zĩtena a kpataũ akpati pì musu malaika gāsĩdenɔ zāngua, akũ wì o a tɔ kuwa. An akpati pì dà zugo dufuũ Abinadabu be sīsĩ musu, akũ an dàdo zeũ. Abinadabu nenɔ Uza kũ Ahiodo mí dá gɛ kũ zugo pido, Lua akpati pì kuũ. Ahio mí gēna ɛɛ, akũ Dauda kũ Isila'ilanɔ dá ũ wã an piki Deke ɛɛ an gbãa léũ kũ lesinado. Wada mɔɔna lɛ, wada doma lɛ, wada batagāgā lɛ, wada keɛ lɛ, wada sekesekena lɛ.

Pɔ an kà Nakõ ukaala, zunɔ gẽn bùte, akũ Uza ɔ bò à nà Lua akpati pìwa. Akũ Deke pɔ pàdi, à a lè à a dè akpati sɛɛ gũ daa pɔ à kè pì yādi. Dauda pɔ pà pɔ Deke pɔ pà Uzadi yādi, akũ wì o gu pine Pɔpana'uzadi ee gbãa. Gɔɔ bee an vĩa Dauda kũ Deke yā musu à ò: Laba maa ke mà Deke akpati sɛ mà tadoi? Akũ i we à sùdo a bĩiũ dɔɔ, à lite à tàdo Gata gbẽ Ɖbededɔmu bewa.

Deke akpati ku a bewa ee mɔ aakõ, akũ Deke balikakàne kũ a bedenɔdo piki. Wà ò kia Daudanɛ: Deke balikakà Ɖbededɔmu bedenɔũ kũ pɔ pɔ a vīnɔdo piki a akpati yādi. Akũ Dauda gèe gũ, à Lua akpati sè ada sudo a bĩiũ kũ pɔnnado. Pɔ gbẽ pɔ Deke akpati senanɔ gba dì gẽn soodo, akũ Dauda sa'ò kũ zusado kũ zunɛ b̀tɔ mekpanado. Dauda bu'ubaza sa'o'uta dana, ada ũ wã Deke ɛɛ a gbãa léũ. Akũ kũ Isila'ilanɔ piki andá su kũ

Deke akpatido, andá ponna wikipɛ, andá kuu pɛ. Pɔ Deke akpati dá gẽ Dauda bĩĩ, akũ Saulu né Mikala dá zĩte gwa taagaũ. Pɔ à è kia Dauda dá vĩvĩ, ada ũ wã Deke ɛɛ, à sakàù a s̃ũ. Pɔ wà sù kũ Deke akpatido, wà dì a gbɛũ bazakpɛ pɔ Dauda d̃nɛũ. Akũ à sa pɔ wì a pɔ ka tɛũ à tɛkũ ò Deke ɛɛ kũ saabukpa sa'obɔdo. Pɔ à sa'ò à làka, à sa maa ò gbɛ̀nɔne kũ Deke Zĩkannanɔde tɔdo. Akũ à bulodi kpàate Isila'ila pɔ kakaana gũnɔne mɛndodo nɔg̃nɔnɔ kũ nɔgbɛ̀nɔdo piki kũ daminɔ kaado mɛndodo kũ line kaado mɛndodo.

Pɔ Dauda dá tá sa maa odi a bɛdenɔnɛ, akũ Saulu né Mikala bò à gèe dadile à ò: Mɔkɔn Isila'ilanɔ kia, n ke gbian nu gbãa ya? N n gĩna mɛbaasi m̃ ò n ibaanɔ nɔgbɛ zĩkennanɔnɛ, lapɔ we'isaide dì a gĩna mɛbaasi m̃nneba. Akũ Dauda ò Mikalanɛ: Deke ma ũ w̃anɛ. Deke mí ma sɛ n mae kũ a bɛdenɔdo gbɛũ, à ma kpa a gbɛ Isila'ilanɔ gɛn'ɛɛde ũ. Maa futankũ de beela, mí ma gĩna busanne n enaũ, es̃ nɔgbɛ zĩkenna pɔ n an yã ò pinɔ an mí anda bɛena kemɛa. Akũ Saulu né Mikala di nɛ io ee à gèe à gà.

Lua ledina Daudane

Pɔ kia zĩte a bewa, Deke a bò ibɛɛ pɔ likanadinɔ ɔzĩ, à a gbà kãmabokĩi, akũ kia ò anabi Natãne: E'e! Kpé pɔ wa d̃ kũ sida lido an maakũ zĩtɛũ, Lua akpati díkũ kpatena bazakpɛũ ya? Natã wènɛ à ò: Lapɔ n s̃ yidi òn ke, zaapɔ Deke kundo. Gwãaĩ bee Deke yã'ò Natãne à ò: Gɛ ò o ma zɔbenna Daudane ma ò, i ke akũ mí da kpé pɔ maakũ ku d̃mɛao. Zaa gɔɔ pɔ ma Isila'ilanɔ bùte Masa ee gbãa mi bɛ keo. Mikũ gu lenkpakpa, bazakpɛ mí

ma kukīi ũ. Gu pɔ ma lenkpà kũ ma gbē Isila'ilanɔdo piki mi gēn'eedenɔ di an dɔnné εε, esɔ mi o an gbēkeneε, bɔyãdi i kpe dɔmea kũ sida lidoo ni. Ge ñ o ma zɔbenna Dauda pine, maakũ Deke Zĩkannanɔde ma ò, ma a sè sãdãkĩa, pɔ àkũ de ma gbē Isila'ilanɔ gēn'eede ũ. Má kudo gu pɔ à gèe piki, akũ ma a ibeεno dèdεne. Maa tó a tɔbo maamaa sà, ikũ de ãnua tɔdenɔ do ũ. Maa bùsu kpa ma gbē Isila'ilanɔwa, mí an kateũ, andí zĩteũ an pɔ ũ. An s̄ da degedege ke dɔo. Gbē vãino da ãadamma lapɔ an ãadammá kaaku gɔɔ pɔ ma gēn'eedenɔ dinnéba dɔo. Maa a bo a ibeε pinɔ ɔzĩ piki.

Maakũ Deke máda one, maa to a be gɔ a buino gbãalekĩi ũ. Tó a gɔɔ pà, à gà, maa a bui pɔ bò a piũ ke se lezĩ, mí a kpa kpataũ. Akũ mí da kpé dɔ, ma tɔ díkũ kuwa, mí tó àkũ zĩtena kpataũ ee gɔɔkepiki. Maakũ mí dakũ de a mae ũ, akũ mí dakũ de ma né ũ. Tó à taalikè, maa ãadawa kũ gòdo, lapɔ gbēnesĩna dì gbē gbēba. Esɔ maa í kunado da lakao lapɔ à làka kũ Saulu pɔ ma wò kpataũ Dauda εbao. A buino dakũ kpatabe gɔɔkepiki. A kpata pì dakũ lakana vĩo.

Akũ Natã yã pì dòdɔ Daudane lapɔ Deke òneba piki.

Dauda wobikena Dekewa

Akũ kia Dauda gè à zĩte Deke εε à ò: Deke Lua, bɔn ma ũi? Dɔnɔn ma bedenɔ ũ akũ n ma ka zĩkĩke di takawai? Deke Lua, bee kènne fĩũ ee tia, akũ n maakũ n zɔbenna bui pɔ dakũ ku zianɔ yã'ò dɔ ya? Maka n̄da kemεa ya, Deke Lua? Deke Lua, maa onne laba dɔi? Maakũ n zɔbenna n̄ ma d̄. N yã zĩkĩ pì kè lapɔ n̄

yidiba lé pɔ n gbɛ̃ yādi, akū n tò maakū n zɔbenna má dɔ̃. Deke Lua, ní zɔ̃kɔ̃ fa! Gbɛ̃ke ba mukāndoo. N baasio deke ke ba kuo, lapɔ wa mà kū swadoba. Dí mí mukā kū n gbɛ̃ Isila'ilanɔdoi? Ānua buinɔ̃ bui mendo pì an n bò n gbɛ̃nɔ̃ ũ. N n gīna tɔbò, n yā zɔ̃kɔ̃ bonseɛnɔ̃ kè n gbɛ̃ pinɔ̃nɛ, n bui kenɔ̃ kū an tāanɔdo yà n gbɛ̃ pɔ n ní bó Masanɔ̃nɛ. N Isila'ilanɔ̃ dì ankū dɛ n gbɛ̃nɔ̃ ũ ee gɔɔkepiki. Deke, n gɔ̃ an Lua ũ. Deke Lua, lé pɔ n dì maakū n zɔbennanɛ kū ma buinɔdo yā musu, ñkū zīkewa gɔɔkepiki. Ke lapɔ n òba, ndí tɔbo maamaa ee gɔɔkepiki. Gbɛ̃nɔ̃ dí o Deke Zīkannanɔde mí Isila'ilanɔ̃ Lua ũ, mí maakū n zɔbenna Dauda, nda ma buinɔ̃ zīnnapɛtɛ, zaapɔ Deke Zīkannanɔde Isila'ilanɔ̃ Lua, n òmɛa n ò nda to ma be gɔ̃ ma buinɔ̃ gbāalekī ũ. A yā mí tò maakū n zɔbenna ma sɔ̃dì, ma wobi di kɛmma. Deke Lua, mɔkɔ̃nyɛ Lua, n yā naai vī, akū n yā maa pì ò maakū n zɔbennanɛ. Balikaka maakū n zɔbenna buinɔ̃ sà, ndíkū wɛ tɛndi gɔɔkepiki. Deke Lua, n yā'ò, n balikakà maakū n zɔbenna buinɔ̃, mí ankū balika vī ee gɔɔkepiki.

Dauda zībena bui kenɔ̃wa

Bee kpɛ Dauda zībè Filisitininɔ̃wa à an busa à an bīi zɔ̃kɔ̃ Gata simmà. À zībè Mɔabunɔ̃wa, akū à tò an wùtɛ kɔ̃ sɛɛ tɔɔtewa, à bà yɔ̃m̃ma. Tó à bà pia zāngua dèdɛ, ì bà do zāngua to bɛ̃ɛ. Akū Mɔabunɔ̃ gɔ̃ Dauda zɔbennanɔ̃ ũ, akū andi wɛ'ɔ̃gɔ kpawa. Dauda zībè Leobe né Adadɛze, Zoba kiawa, gɔɔ pɔ kia pì sùka ada ge nakedi Ufulaiti swasɛɛdenɔ̃wa. Akū à a sɔ̃gonɔ̃ kùkū men oaa sɔo (1,000) kū sɔ̃godenɔdo gbɛ̃n oaa sɔosɔo lɛɛ soopia

(7,000) kũ gesedenɔdo gbẽn oaa sɔosɔo lee bao (20,000). Akũ à an s̄nɔ k̄i z̄z̄z̄ piki, men basɔo mí lè an b̄o. Sulia pɔ ku Damasakunɔ m̄o d̄odi Adadezele, akũ Dauda à an gbẽnɔ d̄ede oaa sɔosɔo lee bao kũ piado (22,000). À gudãkpannanɔ d̄idi Sulia busuũ, akũ an ḡɔ̄ a zɔbennanɔ ù, andi w̄e'ɔgɔ kpawa. Deke tò Dauda z̄ibè gu pɔ à ḡèe piki. Dauda Adadeze ibaanɔ z̄inali d̄ãkpabɔ s̄ete à t̄ado Ulusalima. À m̄ot̄ea s̄ete dasidasi Adadeze b̄i pɔ w̄i o Tebaũ kũ Belotaido.

Pɔ Amata kia Toi mà Dauda z̄ibè Adadeze z̄ikannanɔwa piki, akũ à a né Adolamu z̄i f̄ɔɔkpadiwa. À a saabukpa z̄i pɔ à b̄e Adadezewa ȳadi, zaapɔ Toi z̄i k̄ado ȳaa. Adolamu m̄o kũ z̄inali p̄ɔnɔdo kũ suluba p̄ɔnɔdo kũ m̄ot̄ea p̄ɔnɔdo, akũ kia Dauda k̄ate Deke pɔ ù, lapɔ à k̄e kũ bui pɔ à gb̄aab̄emm̄anɔ sulubanɔdo kũ z̄inalinɔdo piki, Ed̄omunɔ kũ M̄ɔabunɔdo kũ Am̄oninɔdo kũ Filisitininɔdo kũ Amalekinɔdo. Maka à k̄e kũ pɔ pɔ à s̄i Zoba kia Adadeze, Leobe newado. Beewa an Dauda t̄ɔb̄o. Pɔ à z̄ibè Sulianɔwa à s̄u, à Ed̄omunɔ d̄ede Gusite Wisideũ gbẽn oaa sɔosɔo lee ḡe w̄e'e'aa k̄ɔ̄ (18,000). Akũ à gudãkpannanɔ d̄idi Ed̄omu busuũ d̄o, akũ Ed̄omu pinɔ ḡɔ̄ a zɔbennanɔ ù. Gu pɔ Dauda ḡèe piki Deke tò à z̄ibè.

Dauda mí Isila'ila bui piki kia ù, à ȳa maa k̄e a gbẽnɔne a zewa. Zeluya né Yoabu mí a z̄ikannanɔ ḡẽn'eede ù. Ahiludi né Yehosafata mí a kaseedikanna ù. Aitubu né Zadoku kũ Abiata né Aimelekido mí sa'onkianɔ ù. Selaya mí a lak̄enna ù. Yehoyada né

Benaya mí a dogalinɔ gbē zōkō ũ. Dauda gīna nenɔgōnanɔ mí a ledammadenɔ ũ.

Dauda gbēnesīnkekēna Mefibosene

Dauda gbēnɔ là à ò: Saulu bui ke i gōo de? Má yidi mà gbēnesīnke kene Yonatā yādi. Saulu be zīkenke ku, a tɔn Ziba, akū wà a sìsi kia Daudane. À a là à ò: Mòkōnye Ziba ya? À wènɛ à ò: Ao, n zɔbennan ma ũ. Akū kia pì a là à ò: Saulu bui ke ku ee tia ya? Má yidi mà maake pɔ Lua vī kene. Akū Ziba wènɛ à ò: Yonatā ne ke ku ee tia. Ene. Akū kia a là à ò: A ku má ni? Ziba wènɛ à ò: A ku Amieli né Makii bewa Lodebaa. Kia Dauda gbēnɔ zī, akū wà m̀do. Pɔ Yonatā né Mefibose, Saulu tokona kà Dauda kīa, à kùtene à wùte a nesewa. Akū Dauda ò: Mefibose! À wènɛ à ò: N zɔbennan ma ũ. Akū Dauda òne: Su n to vīa n kūo, zaapɔ maa gbēnesīnkekene n mae Yonatā yādi. Maa n dezi Saulu buanɔ sukanne piki, ndí mɔ pɔbedimado gɔɔkepiki. Mefibose kùtene à ò: Bɔn maakū n zɔbenna ũ pɔ n ma we gwàì? Má de landō gbēe gèbae.

Akū kia Saulu zīkenna Ziba sìsi, à òne: Pɔ pɔ de Saulu pɔ ũ kū a bedenɔ pɔnɔdo piki, ma kpà n deke tokonawae. Mòkōn kū n nenɔdo kū n zīkennanɔdo, àdi a tɔɔte zīkene, í a pɔnɔ keke, pɔ à le àkū kūsīa vī. N deke tokona Mefibose pì dakū pɔbemado gɔɔkepiki. Ziba sɔ a nenɔgōnanɔ vī gbēn gēo kū zīkennanɔdo gbēn bao. Akū Ziba ò kia pine: Yā pɔ ma deke kia ò maakū n zɔbennane, maa ke piki. Akū Mefibose dikū pɔbe kū kiado, à gō landō kianenɔ doba. Mefibose nenɔgōna vī, a tɔn Mika, mí Ziba

bedenɔ mí a zíkennanɔ ũ an piki. A ku Ulusalima, zaapɔ ìkū pɔbe kū kiado gɔɔkepiki. Akū sɔ ɛɛɛ.

Dauda zībena Amɔninɔwa

Bee kpe Amɔninɔ kia gà, akū a né Anuni zíte a gbēũ. Dauda ò: Maa gbēnesinke ke Naasa né Anunine lapɔ a mae gbēnesinke kèmea yāaba. Akū Dauda a ibaa kenɔ zīwa, an gɛɛ Amɔni busuũ an a nese ninine a mae gana yā musu. Pɔ Dauda ibaa pinɔ kà gū, Amɔninɔ kianɔ ò an deke Anunine: Nda e Dauda gbēnɔ zì n mae beenakenaa yādi à n nese nininne de? À an zí an mɔ wá bīi asi gwadi, andí suka an mɔ a muse kpadi. Akū Anuni Dauda ibaa pinɔ kūkū à an gbako kpado kã wàwa, à an pɔkasano zḡezḡe a guaũ an gbēzugu leũ, akū à an gbɛɛ. Pɔ wà ò Daudane, akū à gbēnɔ zì an gɛ dadinle, zaapɔ wɛ'i an kū maamaa. An ònné: Kia ò, à zíte Yaliko ee á gbako kã bute, í basa su.

Pɔ Amɔninɔ è Dauda yi an gbī yādi dɔɔ, akū an fiabò gbēnɔne an zíkanné: Sulia pɔ ku Leobe kū Zobadonɔdo gesedenɔ gbēn oaa sɔosɔ leɛ bao (20,000) kū kia Maaka zíkannanɔdo gbēn oaa sɔo (1,000) kū Tobudenɔdo gbēn oaa sɔosɔ leɛ kwi wɛɛpia (12,000). Pɔ Dauda a bao mà, akū à Yoabu gbèemmá kū zíkannanɔdo piki. Amɔninɔ bò an koelè an bīi leũ, akū Zoba kū Leobe Sulianɔdo kū Tobudenɔdo kū Maaka gbēnɔdo an ku lakpeũ an tɛɛ. Pɔ Yoabu è wà koelè akū ɛɛ kū kpɛdo, akū à Isila'ila zíkan maano pèpe à an gbɛɛ an gɛ letedi Sulianɔwa. Akū à zíkan kḡɔnɔ nà a dakūna Abisaine a ozi, akū à an gbɛɛ an gɛ letedi Amɔninɔwa. À ò: Tó Sulianɔ gbāa sù andá fumado, mɔ ò

dɔmale. Tó Amɔninɔ gbāa sù andá fundo sɔ̄, maa mɔ dɔdinle. S̄ di, wà negɔnke ke wá gbēnɔ kũ wá Lua bĩinɔdo yā musu. Deke da yā pɔ kènɛ maa kɛ. Akũ Yoabu kũ zĩkana pɔ kudonɔdo gèe Sulianɔwa kũ z̄ido, akũ Sulia pinɔ basinné. Pɔ Amɔninɔ è Sulianɔ basì, akũ an basì Abisaine sɔ̄, an s̄i b̄iũ, akũ Yoabu an tó gũ, à tà Ulusalima.

Pɔ Sulianɔ è Isila'ilanɔ z̄ibèmmá, akũ an sùka an k̄ɔ kàkaa. Akũ Adadeze gbēnɔ z̄i, an sù kũ Sulia pɔ ku Ufulaiti kpelenɔdo, akũ an gèe Helamu. Sobaki mí Adadeze z̄iḡɔ pinɔ ḡen'ede ũ. Pɔ Dauda a bao mà, akũ à Isila'ilanɔ kàkaa piki, à bùańdo Uudēwa à gèe Helamu. Akũ Sulianɔ koelèdi, akũ an s̄i k̄ɔu. Pɔ andá basi Isila'ilanɔne, akũ Dauda an dede s̄ogodenɔ gbēn oaa aak̄ɔ kũ basɔdo (700) kũ gesedenɔdo gbēn oaa sɔosɔo lɛɛ bapia (40,000). Gũ wà an z̄ikannanɔ ḡen'ede Sobaki dè. Pɔ kia pɔ an de Adadeze zɔbennanɔ ũnɔ è Isila'ilanɔ z̄ibèmmá maka, akũ an ledokũkè kũ Isila'ilanɔdo, an ḡɔ an zɔbennanɔ ũ. Vĩa Sulianɔ kũ, andi ge Amɔninɔle gaakedi dɔo.

Dauda yina Basebadi

Pɔ sake bò, gɔɔ pɔ kianɔ d̄i ge z̄ikadi, akũ Dauda Yoabu z̄i kũ a ibaanɔdo kũ Isila'ilanɔ piki. An Amɔninɔ asoo kè, akũ an koelè Labadi. Dauda s̄i a ku Ulusalima. Pɔ ɔkɔsi kè, akũ Dauda f̄ete a wutebɔwa, ada bebe a kpé musu. Zaa kpé musu gũ akũ à nɔgbēke è, ada zu o. Nɔgbē p̄i nɔ maaɛ maamaa, akũ à gbē z̄i nɔgbē p̄i yā ladi. Akũ wà òne: Eliamu né Baseban nu, Hiti bui Ulia naɛ. Akũ Dauda gbēnɔ z̄i a sisidi. Pɔ à m̄ò, akũ Dauda

wùtedo, akū nɔgbē pì tà be. Akū sō à ɔkūke gbāsībò dufue. Pɔ à nɔsì, akū à lekpele kè Daudane à ò akū nɔsì.

Akū Dauda gbē zì Yoabuwa à ò: Hiti bui Ulia gbεεmea. Akū Yoabu a gbèene. Pɔ Ulia pì m̀, akū Dauda Yoabu aafia là kū zíkannanɔdo kū zì pɔ andá kado. Akū Dauda òne: Ta be ò zu o. Pɔ Ulia bò kiabewa, akū kia gbē zìwa kū pɔbenado. Esɔ Ulia di ta a bewao, kiabe kata'ɔle an à iũ kū a deke zɔben dakenɔdo. Akū wà ò Dauda pine: Ulia di ta a bewao. Akū à Ulia là à ò: Má d̄s n su kū b̄ido dufu ni? À kè laba ndi ta beo ni? Ulia wène à ò: Akpati kū Isila'ilano kū Yahudano an ku bazakpenɔũ. Ma deke Yoabu kū a gbēnɔdo ku lakpeũ. Maa f̄s mà ta be mà pɔbe mà imi, mà wute kū ma nadoo. Ma ledà kū n kunado maa yã pì keo. Akū Dauda òne: Ḡs la gbāa d̄, zia mí n gbεε. Akū Ulia ḡs Ulusalima z̄ibeez̄i kū ḡɔ pɔ tedido d̄. Dauda a s̄isi, à pɔbè à imido, akū Dauda w̄ kàkaane. Esɔ pɔ à bò ɔkɔsi, à ḡε à ò kū a deke kia zɔbennanɔdo, i ta a bewao. Pɔ gu d̄, Dauda lá k̄ Yoabune, akū à Ulia gbèedo. Takada piũ à ò: À Ulia ka εε gu pɔ z̄i p̄s̄i, í gbēsukakpeke a kpe, pɔ wà le wà a de.

Gɔɔ pɔ Yoabu dá koele b̄i pidi, akū à Ulia dà gu pɔ a d̄s nɔḡɔn p̄s̄ino ku. Pɔ b̄idenɔ bùte andá z̄ika kū Yoabudo, an Dauda z̄ikan kenɔ d̄ede. Hiti bui Ulia kuú.

Akū Yoabu gbē zì Daudawa à z̄i yã d̄ɔd̄one piki. À ò z̄inna pine: Tó n z̄i yã d̄ɔd̄o kiane piki n làka, tó a nesε f̄ete à n la à ò: Bó mí tò a na b̄i s̄ε kū z̄idoi? Á d̄s pɔ ḡimusudenɔ dí kà gbεemma z̄iteo de? Dí mí Gedeɔ né Abimeleki d̄ei? Nɔgbē mí ɔ z̄s̄

wititilɔgbedi zaa gĩ musu, akũ à a dè Tebezio de? À kè laba a na bĩi sɛɛ maamaa makai? Tó à ònne maka, ndí one a zɔbenna Ulia, Hiti bui gà dɔ. Akũ zĩnna pì dà zɛũ. Pɔ à kà Dauda kĩa, à yã pɔ Yoabu dànɛ ònɛ piki. À ò: Gbɛ̃nɔ bùtɛ bĩiũ, andá gbãamɔwɛa bĩi kpɛ, akũ wà an ya ee an bĩi lɛwa. An kazunnanɔ ku zaa gĩ musu, akũ an kà fã n gbɛ̃nɔũ zĩtɛ, an an gbɛ̃kenɔ dèdɛ. N zɔbenna Ulia, Hiti bui gà dɔ. Akũ Dauda ò zĩnna pine: O Yoabune a su à to yã pì kene ñio. Wìdikũ gbɛ̃ pɔ zĩ da an benɔ dɔo. À zĩka kũ bĩi pì denɔdo kũ gbãado, i an bĩi pì fãakã. Ñ Yoabu gba gbãa maka. Pɔ Ulia na mà akũ zã gà, à ɔdɔ. Pɔ gɛ'ɔdɔgɔw laka, Dauda gbɛ̃nɔ zĩ, an sùdo Dauda bewa, akũ à gũ a na ù. À nɛ'ìdo nɔgɔna ù, akũ yã pɔ Dauda kè pì kè Dekene ñi.

Anabi Natã Dauda gbana laakai

Deke Natã zĩ Daudawa. Pɔ à kà, à ònɛ: Nɔgɔn gbɛ̃n pia kenɔ mí ku bĩi dokũ, gbɛ̃ do ɔgɔdɛɛ, gbɛ̃ do sã takasideɛ. ɔgɔde pì sãnɔ kũ zunɔdo vĩ dasidasi, takaside pì sã aba peke vĩo, sã nɔkɔn mendo ke à lù. Akũ à ɔlikadi, à zɔkɔkũ kũ a nenɔdo kɔa a bewa. Andì pɔbena dokũ be, andì imi ta dokũ, ì wutɛ a pɔtɛũ, akũ ada gwa landɔ a gĩna nenɔgbɛ̃ba. Pɔ nibɔ pìta ɔgɔde piwa, akũ i we sã kó zù kũ a kpasau à a nibɔkɛ kɛdoo, takaside sã nɔkɔna pì an à siwa, à a nibɔkɛ kèdo. Akũ Dauda pɔ pà ɔgɔde pì yã musu maamaa, à ò Natãne: Deke ku! À kɔsì wà gbɛ̃ pɔ yã pì kè dɛɛ. Lapɔ maka à kè, i a wewɛnda gwao, à sã pì fĩabo lɛɛ siikɔ. Akũ Natã ò Daudane: Mɔkɔn mí gbɛ̃ pì ù. Deke Isila'ilanɔ Lua mí yã di ò à ò: Ma n kpa Isila'ilanɔ kia ù, ma n bo Saulu ɔzĩ,

akū ma n deke pì be kpàmma, ma a nanɔ nànnɛ n ɔzĩ. Ma Isila'ilanɔ kū Yahudanɔ kpàmma n gběno ũ. Tó bee kènne fĩũ, maa a kenɔ lafanne. Bɔyãdi n sakà ma yãui? N yã pɔ maba yidio kè, n Hiti bui Ulia dè kū fěndado, n a na sị n sè. N tò Amɔninɔ a dè zĩkanaũ. Zaa gbãa yã pãsi da kē n bewa zĩke dɔo, zaapɔ n sakàmaũ, n Hiti bui Ulia na sị n sè. Akū Deke sùka à yã di ò: Ma! Maa tó n gĩna bɛdenɔ muse kpandi. Maa n nanɔ simma, mí an kpa n gbědakewa n wewa, i wuteńdo gupuawa. N yã kè asiũ. Maakū sɔ maa yã pì kenne gupuawa Isila'ila piki wewa.

Akū Dauda ò Natãne: Ma duunakè Dekene. Akū Natã òne: Deke n duunakemma, nda gao. Esɔ lapɔ n tò Deke ibeɛno yã'ole lèwa yã pì kena musu, nenɔgõna pɔ nɔgbě pì ńdo da ga. Pɔ Natã tà be, akū Deke tò né pɔ Ulia na ì kū Daudado pì da gyãke. Akū Dauda dá Lua kīi wete ne pì yã musu kū leyido, gwãafi ì wute busuũ. A be gbě zõkõno dikū zena a musu à fete busuũ, esɔ ìdi wedio, mí ìdi pɔbeńdoo. A gɔɔ soopiadezĩ akū ne pì gà. Vĩa Dauda ibaanɔ kũ, andi fĩ an òne ne pì gào. An ò: Gɔɔ pɔ ne pì ku, wa yã'òne, i wá yã mao. Laba wáa ke wà one sà ne pì gài? Àa yã vãi ke. Dauda è akū ibaanɔ dá yãkpãina o kõne, akū à dẽ ne pì gà. À an lá à ò: Ne pì gà ya? Akū an wène an ò: Ao! À gà. Dauda fete busuũ, à zu'ò à nisi dõkɔ à a pɔkasanɔ lite, akū à gèe à kùte Dekene a kpu. Pɔ à sùka à tà be, à pɔbena là, akū wà kpàwa, à bè. A ibaanɔ a là à ò: À kè laba ńda yãke makai? Gɔɔ pɔ ne pì ku, n leyì n ɔdò. Pɔ à gà sà, n fete n pɔbè. À wènné à ò: Gɔɔ pɔ ne pì ku, ma leyì ma ɔdò, zaapɔ ma ò, tó Deke da ma we gwa à to ne

pì kũ ku, dí mí dõì? Lapɔ à gà sà, bɔyãdi maa lé yi dɔi? Maa fĩ mà a vũ ya? Maa ge a kĩa, esõ akũ da le à suka à mɔ ma kĩa.

Dauda a na Baseba nese nìnine, akũ à gèe à wùtedo. À nɛ'ì nɔgõna ù, akũ à tɔkpàne Sulemanu. Deke yidi, akũ à anabi Natã zìwa à tɔkpà né pine Yedidia Deke yinadi pì yãdi.

Laba sina Amɔninɔwa

Yoabu zĩkà kũ Amɔninɔdo Laba, akũ à kiabe sì. Akũ à gbẽnɔ zĩ Daudawa à ò: Ma zĩkà kũ Labadenɔdo, akũ ma an itɔkĩ sì. Zĩkan kõnɔ kõ kaka sà, ndí mɔ n koele bĩi pidi, ndí si. Tó makando, maa si, wi ma tɔ kpane. Akũ Dauda zĩkannanɔ kàkaa piki, à gèe à lète Labawa à sì. Wà an tãa Mɔleku zĩnali fũa gò a miwa, wà kpà Daudane. A gbia kà kilo baakwi, mí gbè beedeno pepewa. À bĩi pì pɔnɔ nàkãa bugubugu, akũ à gbẽ pɔ kuũnɔ kũkũ à bùteńdo, à an da zetu zĩu kũ diga zĩdo kũ mɔko zĩdo, mí à tò an kũkũna bò. Maka à kè Amɔni bĩinɔne piki, akũ à sũka à tà Ulusalima kũ a zĩkannanɔdo piki.